



PDR 2014_2020 DE GALICIA

PROGRAMA DE DESENVOLVEMENTO RURAL

Medida 16 Cooperación

Submedida 16.8

Apoio para a elaboración de plans de xestión forestal ou instrumentos equivalentes



Índice

<u>1. Medida 16. Cooperación</u>	3
<u>1.1. Submedida 16.8 Apoio para a elaboración de plans de xestión forestal ou instrumentos equivalentes</u>	4
<u>1.1.1. Que tipo de actuacións se financian?</u>	4
<u>1.1.2. Quen pode solicitar esta axuda?</u>	4
<u>1.1.3. Como se outorga a axuda?</u>	4
<u>1.1.4. Que tipo de gastos se financian?</u>	4
<u>1.1.5. Que requisitos se han de cumprir para recibir a axuda?</u>	4
<u>1.1.6. Que criterios serán utilizados para a selección?</u>	5
<u>1.1.7. A canto ascende esta axuda?</u>	5
<u>1.1.8. Quen xestiona esta axuda?</u>	6
<u>1.1.9. Marco normativo</u>	6
<u>1.1.10. Documentos e ligazóns relacionados</u>	6



1. Medida 16. Cooperación

Para este período 2014-2020 a Unión Europea aposta pola innovación nos proxectos, produtos, prácticas, procesos e tecnoloxías que afectan ao sector agrario, forestal e agroalimentario. É por iso, que no Programa de Desenvolvemento Rural se trata a cooperación como un elemento transversal e se orienta principalmente á innovación. A medida de cooperación componse dun conxunto de 7 axudas que fomentan o traballo en conxunto co fin de incluír melloras nos sectores agrario, forestal e agroalimentario galegos.

Dado que a cooperación se entende como unha medida transversal ao conxunto de actuacións recollidas no Programa de Desenvolvemento Rural de Galicia 2014-2020, fórmulanse dúas liñas de traballo, por unha banda, as axudas referidas ao desenvolvemento de proxectos piloto e novos produtos, prácticas, procesos e tecnoloxías nos sectores agrícola, forestal e cadea alimentaria. E polo outro, as axudas destinadas a fomentar a cooperación como eixo condutor do cumprimento das prioridades de desenvolvemento rural.

Para iso, articúlanse as seguintes submedidas:

- ✓ Submedida 16.1 Apoio para a creación e o funcionamento de grupos operativos da EIP en materia de produtividade e sustentabilidade agrícolas
 - Operación 16.1.1: Axudas á creación de grupos operativos da AEI
 - Operación 16.1.2: Axuda para a execución de proxectos dos grupos operativos da AEI
- ✓ Submedida 16.2 Axudas para proxectos piloto e desenvolvemento de novos produtos, prácticas, procesos e tecnoloxías
- ✓ Submedida 16.3 Cooperación entre pequenos operadores para organizar procesos de traballo conxunto e compartir instalacións e recursos, así como para o desenvolvemento / a comercialización do turismo
- ✓ Submedida 16.4 Apoio para a cooperación horizontal e vertical entre os axentes da cadea de subministración para a creación e o desenvolvemento de cadeas de distribución curtas e mercados locais e para actividades de promoción nun contexto local relacionado co desenvolvemento de cadeas de distribución curtas e mercados locais
- ✓ Submedida 16.5 Apoio para accións conxuntas realizadas con vistas á mitigación ou a adaptación ao cambio climático e para enfoques conxuntos con respecto a proxectos medioambientais e prácticas medioambientais en curso
- ✓ Submedida 16.8 Apoio para a elaboración de plans de xestión forestal ou instrumentos equivalentes



1.1. Submedida 16.8 Apoio para a elaboración de plans de xestión forestal ou instrumentos equivalentes

Tendo en conta a natureza da estrutura de propiedade do monte galego, cun maioritario predominio da propiedade privada e un marcado carácter minifundista, resulta imprescindible fomentar o establecemento dos plans de xestión forestal, obxectivo que se pretende conseguir a través desta axuda.

1.1.1. Que tipo de actuacións se financian?

Con esta submedida preténdese conseguir a ordenación da superficie forestal ao redor de plans de xestión ou instrumentos equivalentes co fin de apoiar o desenvolvemento do sector forestal en Galicia. Estes plans de xestión desenvolveranse de acordo cos criterios definidos pola autoridade competente da Administración autonómica.

1.1.2. Quen pode solicitar esta axuda?

Poderán ser beneficiarios desta axuda, as Comunidades de montes veciñais en man común e as asociacións de propietarios ou titulares forestais cunha superficie forestal conxunta igual ou maior de 15 ha, apoiados ou non por centros de investigación e/ou tecnolóxicos.

1.1.3. Como se outorga a axuda?

A axuda outorgarase como subvención convocada en réxime de concorrencia competitiva.

1.1.4. Que tipo de gastos se financian?

Serán subvencionables os custos de elaboración do plan de xestión forestal, de acordo cos custos de referencia máximos establecidos, así como os custos directos de proxectos vinculados á execución do plan de xestión forestal.

1.1.5. Que requisitos se han de cumprir para recibir a axuda?

Será requisito indispensable que os plans de xestión forestal se axusten ao modelo e condicións definidas pola autoridade competente en Galicia en materia de xestión forestal.

1.1.6. Que criterios serán utilizados para a selección?

Aplicaranse criterios de selección de maneira obrigatoria, mesmo nos casos en que o orzamento da convocatoria sexa superior á demanda de financiamento. Os criterios de selección deberán estar claramente definidos antes do inicio do proceso de solicitude para garantir a igualdade de trato de todos os posibles solicitantes. En xeral, para cada criterio de selección outórganse puntos e a puntuación total da aplicación debe ser a suma dos puntos de todos os criterios de selección que se satisfagan. En particular, poderán aplicarse os seguintes criterios:

- ✓ Número de hectáreas
- ✓ Número de explotacións participantes
- ✓ Situación inicial dos montes obxecto de planificación
- ✓ Calidade do proxecto
- ✓ Cualificación do persoal participante
- ✓ Estrutura operativa das entidades participantes
- ✓ Centros de investigación e/ou tecnolóxicos participantes

1.1.7. A canto ascende esta axuda?

A axuda poderá ser de ata o 100% cun máximo de 10.000 €. Os proxectos serán avaliados baixo os criterios de selección establecidos na correspondente convocatoria. Valoraranse os proxectos e ordenaranse de maior a menor puntuación. Obterá o 100% dos custos subvencionables quen obteña a maior puntuación.

O resto de proxectos ordenaranse da seguinte forma:

- ✓ Outorgarase o 90% da axuda aos proxectos que obtivesen entre 1 e 6 puntos menos, ambos inclusive
- ✓ Outorgarase o 80% da axuda aos proxectos que obtivesen entre 7 e 12 puntos menos, ambos inclusive
- ✓ Outorgarase o 70% da axuda aos proxectos que obtivesen entre 13 e 18 puntos menos, ambos inclusive
- ✓ Outorgarase o 60% da axuda aos proxectos que obtivesen entre 19 e 24 puntos menos, ambos inclusive
- ✓ Outorgarase o 50% da axuda aos proxectos que obtivesen entre 25 e 30 puntos menos, ambos inclusive
- ✓ Outorgarase o 40% da axuda aos proxectos que obtivesen entre 31 e 36 puntos menos, ambos inclusive

- ✓ Outorgarase o 30% da axuda aos proxectos que obtivesen entre 37 e 42 puntos menos, ambos inclusive

1.1.8. Quen xestiona esta axuda?

Esta axuda está xestionada pola Subdirección de Planificación e Dinamización do Medio Rural da Axencia Galega de Desenvolvemento Rural (Agader).

1.1.9. Marco normativo

- ✓ Regulamento (UE) N° 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP
- ✓ Regulamento (UE) N° 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Regulamento (UE) N° 1407/2013, da Comisión, do 18 de decembro de 2013 relativo á aplicación dos artigos 107 e 108 do TFUE ás axudas de minimis (DOUE L 352, de 24/12/2013)
- ✓ Regulamento Delegado (UE) N° 807/2014 da Comisión, do 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias
- ✓ Lei 9/2007, do 13 de xuño, de subvencións de Galicia
- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia
- ✓ Lei 7/2012, do 28 de xuño, de montes de Galicia
- ✓ Lei 14/2013, do 26 de decembro, de racionalización do sector público autonómico

1.1.10. Documentos e ligazóns relacionados

- ✓ Información sobre o sector forestal (Consellería do Medio Rural)
<http://mediorural.xunta.gal/areas/forestal/presentacion/>
- ✓ Plan Forestal Español 2002-2032 (Ministerio de Agricultura, Pesca e Alimentación)
http://www.mapama.gob.es/es/desarrollo-rural/temas/politica-forestal/pfe_tcm30-155832.pdf



- ✓ Unha nova estratexia da UE en favor dos bosques e do sector forestal (Comunicación da Comisión ao Parlamento Europeo, o Consello, o Comité Económico e Social Europeo e o Comité das Rexións)

[http://www.europarl.europa.eu/meetdocs/2014_2019/documents/com/com_com\(2013\)0659_/com_com\(2013\)0659_es.pdf](http://www.europarl.europa.eu/meetdocs/2014_2019/documents/com/com_com(2013)0659_/com_com(2013)0659_es.pdf)

- ✓ Para obter máis información, consulte a sección 8.2.13.3.7 del Programa de Desenvolvemento Rural de Galicia 2014-2020

